



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

2. Authores historiæ, & historia Magi conuersi luculenta.

urn:nbn:de:hbz:466:1-45701

626 Cap. LVIII. Remedia contra tentationes, flos, & crux formata.

Psal. 129. 1.

Ion. 2. 1.

Psal. 144. 9.

II.

Sur. 26. Se-
ptemb. Vide
Card. Baro-
nium in Mar-
tyrologio die
26. Septemb.

me. Et alio loco: *De profundis clamaui ad te, Domine. Quin & Ionas non è mari dumtaxat, sed etiam è ventre ceti clamauit, Et erat Ionas in ventre pīcis, tribus diebus, & tribus noctibus. Et orauit Ionas ad Dominum Deum suum de ventre pīcis.* Hic Propheta figura fuit grauium peccatorum, homines in profundum deprimentium. Verum est, quò diutiùs, & altiùs in luto hæremus, eò difficiiliùs eluctamur, & *Impius, cùm in profundum venerit peccatorum, contemnit.* Audiuntur sanè plurimi, & sunt plurimi, qui ita in sordibus avaritiae, luxuriae, & maximè magiae, inherent profundè, ut inde numquam emergant. At habent inobedientes in Iona, adulteri in Davide exemplum; afferam etiam exemplum magi ad Deum conuersi, in quo apparet, neque ipsis beneficiis locum pénitentiae negari, neque de his quoque desperandum esse. Vnde & ceteri peccatores in spem erigentur. Si enim peccatores omnium atrocissimi & desperatissimi considerantur veniam consecuti, quis non andeat confugere ad Deum tam misericordem, cuius *miserations super omnia opera eius?* & potentia tanta, ut nemo tam profundè hæreat in luto, quem non possit educere, sicut Ionam è cero? Sæpe enim aliquè etiam ex ipsis Tartarei draconis fauibus extrahit: sæpe jam animam agentem, neque tantum de hac, sed etiam de æternæ vita desperantem, immisso diuinæ lucis radio conuertit.

Cuius rei luculenta historia recensetur à Græcis in Menologio 2. Octobr. à Latinis 26. Septembr. Vertit eam ex Metaphraste in Latinum sermonem Lipoman. tom. 6. Surius tom. 5. Complexus est eam carmine Aldelmus; quam etiam soluta oratione retulit in lib. de Virginit. facitque eius mentionem venerabilis Beda. Historia autem hæc est. Tempore Diocletiani Imperatoris (non Decij, ut vult Metaphraastes) fuit Antiochiae Virgo quædam Iustina dicta, Edesio & Cledonia parētibus Ethiopicis orta, quæ, auditio Praylio diacono Antiocheno, ad Christum conuersa, primò matrem, postea per hanc & patrem ad fidem adduxit. Ut ergo plerumque diabolus graues recens conuersis struit insidias, ita & hīc artes suas explicuit. Ibat Iustina quotidie ad templum, & transibat ibi, ubi, Aglaidas quidam scholasticus, patricij generis, & magnarum opum juuenis habitabat. Is, more eorum,

etorum, qui se studijs litterarum alere non volentes otio dedunt, totas saepe horas, quibus in libros incumbere debuisset, jacuit in fenestris, & curiosè obseruavit transeuntes. Cum ergo vidisset Virginem illam in ædes sacras tendentem; & vidisset frequenter, eius venustate, tamquam Cupidinis telo saucius, cœpit ardere, ac dicere: *Vt vidi! ut perī!* Hic jam mihi perpendite monem eorum, qui duobus dominis volunt seruire, desiderantes non peccare, neq; carum perdere, & tamen simul voluptati non renuntiare. Intellexit enim Aglaidas (nomen hoc à pulchritudine natus) quorsum hæc scintilla, aut flamma potius, tendet; nempe ad infamiam suam & familiæ, ad interitum certum animæ. Igitur ut flammatum nascentem oppimeret, tam acrens & insidiosam, saepe scrupulum animi sensit, saepe illi incidit, gravia ex in honestis & intempestivis amoribus damna existere. Verum otij tædio non cessavit transeuntem puellam lascivis oculis venari de fenestra, & velut ex equestribus contemplari. Rarò ignis suum tenorem seruat, aut crescit, aut extinguitur, si materia caret. Quare neque hæc flamma, cum ei non decesserat, materia, potuit domi cohiberi. Erupit primùm per fenestras, postea etiam emicuit per januas. Itaque virgine illâ ad diuinum cultum veniente, prodijt & ipse, & velut casu in via occurrens, omni honore exhibito, quam bellissimè eam salutauit, & nescio quâ colloquendi necessitate excogitatâ, illi comitem se addidit, & obsequiarum nihil omittens, cœpit eam verbis aulicis, quam urbanissimè delinire. Et quia cognitissimum illi erat, huic sexui gratissimum esse, si de formæ præstantia laudetur, ex tulit identidem illius pulchritudinem, & prætulit eam omnibus formis ceterarum feminarum; ob quam & illam beatam vocabat, & illum, qui eâ frui posset. Quid multis utar? amor & tumor cæcos facit, & insanos. Enim uero amor carnis tollit è medio amorem Numinis. Hinc omnia trahit, etiam ipsa diuina officia, ad corporis voluptatem; & ipso templo utitur, tamquam lupanari. Itaq; Iusta in templum se conferebat, ut Deum coleret; Aglaidas, ut libidini seruiret oculorum, quam semper magis & magis accensa, audacior factus, semper plura tentavit. Vnde non verbis dumtaxat, sed alijs quoque nutibus & signis,

K k k

ixix

jocis etiam, & manuum licentiâ, desiderij sui impudentiam pro-
debit; neminem veritus, quasi se certo consilio Veneris mystam
profiteretur, & virginis procum; non iam per insidias, sed aper-
to Marte præda inhiantem. Non sine causa feminis natura
maiores verecundiam, quam viris, ingenerauit, ea enim illis
pro scuto est, contra impudentem petulantiam adolescentum.
Sed pietas, & religio, & Ds dilectio longè adhuc maius est præ-
sidium castitatis. Quam obrem Iustinæ omnes illæ juenis cære-
moniæ mera nugæ & probra videbantur, dignaque quæ pudicæ
aures & oculi execrarentur. Contra quæ se jeunijs & oratio-
nibus innocens virgo muniuit, egregiè docens eas, quæ ne vno
quidem suspirio rogant DvM pro pudicitia conseruatione, aut
quibus armis iste hostis sic repellendus. Qui ergo eam, per mul-
tas machinationes, non potuit in turpia præcipitare, ad extre-
mum in matrimonium postulavit. Iustina autem, quæ se soli Christo
professa fuerat fore sponsam, alios constanter deginabatur, dicens:
Sufficit sponsus, qui mihi seruat virginitatem, & custodit puram ab
omni inquinamento. Amor negata vehementius desiderat. Quare
Aglaidas quoque repulsam passus, omnem mouit lapidem, ut
Iustinæ potiretur. Collecta igitur haud exigua proteruorum ma-
nu, vi illam voluit rapere. Sed qui clamantem virginem audie-
rant, vim vi repulerunt. Et socij quidem diffugerunt, Aglaidas
autem mori malens, quam ab ea diuelli, tamquam saxum stetit,
contumelij, sputis, pugnis à virgine impletus. O stulti amato-
res, quò non deiicit vos libido? qui alioqui purpurati inceditis;
qui auro & gemmis splendentes, alios despicitis; qui omnes pre-
mere, omnibus imperare vultis, scitis quò vos demittatis? Im-
ago docet notissima illa Trossuli amatoris, ferulam puellæ suæ
subeuntis; supplicique gestu genua humili ponentis, & manus ad
cælum subleuantis, veniamque precantis ab amata. Quod si for-
tasse Poëticum esse putatis, maiora illa reuocate in memoriam,
eorum, qui è calceis puellarum biberunt, qui, quod canes non
facerent, sputa ab illis in terram projecta proni linixerunt, di-
gnum labris nectar; & alia, quæ auditu, ne dum factu fœda sunt.
Sed nihil fœdum est subantibus Epicuri de grege porcis. Hæc
omania pertulit etiam Aglaidas, & ludi videbantur, Unum era

vel morte grauius, Iustinam non assequi. Hinc tristitia, hinc mœror, hinc incrementum amoris semper magis ac magis insipientis. Quid non potest aut dolor, aut amor? quod si uterque & dolor & amor conspiret, quæ non consilia sugguruntur? Curritur ad lenones, queruntur philtrea, ipse Acheron mouetur, ipsi dæmones adeuntrur. Erat tunc Antiochia haud incelebris magus, Cyprianus nomine, eum adiit Aglaidas, factaque magna præmij promissione, spem concepit, se ope dæmonis virginem in potestate habiturum. Et verò etiam Cyprianus, arte suâ confessus, spem illi fecit certam. Arrepto igitur libro magicarum incantationum & cærminum, vnum è potentioribus spiritibus ex Orco euocauit, à quo sibi hoc negotium confici voluit, si quidem confici posset. Ille autem arroganter & superbè loquens, ut solebat: Et quid est, inquit, quod à me, si velim, non facile fiat? Sape quidem totas labefaci cunctas: sepe effecti, ut esset manus prompta & velox ad patris fundendum sanguinem: fratribus & coniugibus odium immisi implacabile: Multos, qui volebant esse virgines, prohibui, &c. Alios, qui volebant renuntiare omnibus carnalibus & ijs, quibus nos delectamur, & seclari virtutem, aliunde adorans effecti, ut curam abicerent talium cogitationum, & rursus diligenter adharent ijs, quibus consueverant. Attamen, quid, ut multa dicere, sum adducimus? Res ipsa nunc indicabit, quam sim ad ministrandum longè utilissimus. Accipe hoc medicamentum (erat autem vas quodam plenum) & eo asperge domum virginis, & nisi tibi omnia successerint ex sententia sum ego de cetero despiciendus & inutilis, tuq; nos extrema argue imbecillitas. Hic discamus pugnare, immò vincere tentationes. Virgo Iusta, postea lustina dicta, ut solem anteuerteret, manè hora tertia surgens ad precandum, incalcescebat præter morem, & insultum sentiebat Stygij tentatoris. Quò autem magis crescabant flammæ Cypriæ, magis illa, ut aqua affunderet, in hunc modum augebat preces: Memor fui nocte Psal. 118. 36. nominis tui, Domine, Laqueum parauerunt pedibus meis. Ego autem 34. 40. 36. tem, cum mihi molesti essent, induabar cilicio. Et humilians in jejunio animam meam. Et deprecatio mea in finum meum conuertetur. In hoc cognoui, quia voluisti me, quia non gaudebit inimicus meus super me. Gladius eorum intret in corda ipsorum, & arcus eorum confirm-

KKKK 2

confir-

630 Cap. LVIII. Remedia contra tentationes, spes, & crux formata,
confingatur. Tibi enim DEO viuenti toto animo & corde me ipsam
dedicavi. His signum crucis adjecit, quoties cogitatio turpis
eam subiit. Sie tunc pro caelo, inde pro orco pugnatum est. For-
tius fuit cælum. Nam qui cruciari dignus est, crucem ferre non
potuit. Pulsus ergo & victus dæmon Cypriano impotentiam
suam fateri coactus, caussamque detegere adactus, dixit: Vidi
quoddam signum, quod valde horruī, & vires illius non sustinui. Hoc
hoste Acherontico superato, adjuratus alias fortior pari modo
victus est. Quia ergo res ad Triarios rediit, adjuratus tertius,
princeps priorum, qui illis multa, ob rem male gestam, commi-
natus, Cypriano omnia promisit admodum jaſtanter. Quid er-

Ouid. lib. 14. go fecit? Quod Ouidius scribit, fecisse Vertumnū, vt Nym-
Metam. fab. pham Pomonam seduceret. In mulieris speciem versus Proteus
2. assedit puellæ, mentiens se à Deo missum, vt ab ea disceret eam-
dem viuendi rationem tenere, amans virginitatis. O astutiam
hostis, à speciosis initij, ad fines pelsimos progredientis! Inter
 colloquendum de virginitate, ait: Ceterū quamnam, propter
eam, mercedem accipiam? volo ex te scire. Videtur enim mibi res
magna, & periculosa, & qua multis opus habet certaminibus. Cui
illa, rem quidem esse multis certaminibus obnoxiam, sed si ad
coronas aspiciatur, magnæ condemnari socordiæ eos, qui tale
tantumque bonum negligunt, & diuina gratia adjuti nolunt in
pugnam descendere. Hâc usus occasione tentator, quæsivit:
Quid Euæ profuisset virginitas? unde natuſ fuisset mundus?
Vnde nunquam homines venirent, si omnes virgines vellent esse?
Cùm hæc audijſset Iustina, non id ei usu venit, quod primæ pa-
renti Euæ, sed facto crucis signo, statim surrexit ad orandum
Deum, & hunc quoque hostem à se fugavit, viatrix & trium-
phatrix, optimaque pessimarum tentationum declinarum
demonstratrix. Siquidem ad crucis signum momento disparuit
Vertumnus, & in fumum, immò in ignem abiit. Rediit ad
Cyprianum dæmon, aperta victi signa vultu præ se ferens. Cui
Cyprianus: Et tu, inquit, qui es tantus, à tali puella fuitis superatus?
Quo autem freta illa, aduersus vos, qui estis tam magni, tam magna
potest facere? Tunc dæmon: Signum, inquit, Crucis, ne, dum figu-
ratur, quidem usidere omnino sustinemus, sed totis viribus nos prius in
fugam

fugam coniçimus, quām id perfēclē figuretur. Et quid mirum, cū etiam canis oderit, fugiatque baculum, quo semel est percussus? Quis excusabitur, si dicat, se tentationi earnis resistere non posuisse? cū signo crucis id potuisset obtainere? Quām id facile est, & quām id pauci faciunt, quando tentantur? Qui tamen huic tam salutari remedio adhibendo assuescere omnino deberent, vt eo vti possent, quando in vltimo agone, cum morte & dæmonē erit certandum. Sed non id nunc ago, quo modo pro castitate, aut in morte dumtaxat, sit certandum. Illud ostendo, nullum esse tam magnum peccatorem, qui non possit agere pœnitentiam, si diuina velit gratia vti. Grauiſſimus error est, quo diabolus persuadet nonnullis, & præcipue magis, actum esse scelerum eos. Iuorum veniam non posse amplius consequi, propter pactum secum semel initum; propter D̄VM, Dei Matrem, Diuosque abnegatos, propter Apostasiam à fide, propter hæresin, propter idololatrias, propter tot adulterias, rapinas, homicidia, parricidia, sodomias, sacrilegia, aliaque nefandissima crimina, quibus se se contaminauerunt. Sic quos spe deiicit, obdurat; vt cuncta negent, respuant confiteri, non pœnitentia deliquerisse. At falsa hæc est, exiriosa, & contra diuinæ misericordię immensitatē exticioſſima persuasio. Cyprianum produco, qui vbi illa, à dæmonē veritatem dicere coacto, audiuīt; ita secum tacitus cogitauit: Si haec potest Crucifixus, quanta sit amentia, eo relictio, illius sequi inimicos, qui sunt tam imbecilli, & tam facilē terrentur? Dixit hoc mente, & exemplo libros magicos comportatos ad Anthimum Episcopum flammis lustrandos, seque ipsum ei obrulit in ouem Christi, & Episcopo credere nolenti, eum sincerè & bona fide agere, omnia ordine narrauit. His persuasus Episcopus Cypriano benedixit, constantiamque proposici etiam atque etiam commendauit. Quem magna subiit pœnitentia. Combustis libris necromanticiis, simulachra dejecit, caput cinere aspergit, graues gemitus ac suspiria edidit, veris lachrymis peccata lauans, vanosque ostendens eos, qui dicunt eiuscemodi homines flere non posse. Fluunt, & sustentur lachryma diuersis caussis. Etsi enim signum sint pœnitentiae, tamen quidam confitentes ubertim flent, exiguo tacti dolore; & alijs

Vide Mart.
Delrium 1. 6.
Disquis c. 1.
sect. 3.

K k k k multò

632 Cap. LVIII. Remedia contra tentationes, f̄pes, & crux formata.

multò magis contriti, nec vnam possunt lachrymulam effundere, vel quia tam duro sunt vulnera, & siccō cerebro, vt plorare nesciant; vel quia nonnumquam ipsa doloris magnitudo lachrymas deficat, & planè tollit. Hinc illa:

Senec. in
Oedipo. v. 87.

Pletuq; acerbo funera, & questu carent:
Quin ista tanti peruicax clades mali
Siccanit oculos, quodq; in extremis solet,
Perire lachryma.

At Cypriano non periēre, qui assiduè solus cum solo, qui est ubique, lachrymans colloquebatur, tantoq; nunc ardentius Deum venerabatur, quantò ante dæmoni malo impensis seruierat. Ita tota nocte transacta, die altero è templo egredi noluit priùs, quām esset baptizatus. Postea in doctrina religionis & pietate ita profecit, vt Episcopus Antiochenus (malè enim hunc cum illo Carthaginensi Episcopo confundit Metaphrastes) crearetur, ac mirificè idola vndique extirparet, Christumque prædicaret, tandem illustrissimus quoque martyr effectus & in Diuorum numerum relatus est; cuius festum 26. Septembris, in Ecclesia, celebratur.

III.

Et celebratur idcirco, vt videant peccatores, etiam eos, qui in profundum venerunt, posse per diuinam gratiam emergere. Ad quod plurimū iuuat primò, scire impotentiam diaboli, & virtutem Christi crucifixi. Possent totum mundum euertere dæmones, si sinerentur. Occiderent quotidie, & mille plagis plurimos afficerent, nisi prohiberentur. Si passer non eadit de recto, neque capillus de capite nostro, sine Patris cælestis voluntate, quantò minus tentator nos vel in morbos, vel in mortem, vel in peccata poterit coniçere, Deo obſidente? Et quidem sexenti quotidie casus audirentur, si non crux manè, ad exitum quemuis, ante cibum, & somnum facta, nos munijset. Si crux hoc potest, quid poterit Deus? Nemo igitur metuat, ne eum laceret diabolus, si velit ab eo recedere. Laceraret illum adhuc peccatorem, si Deus permitteret. Si ergo Deus tam bonus est, vt diabolo hanc potestatem non concedat in peccatorem, cur concederet in poenitentem? & ad suam misericordiam recurrentem?

2. Iuuat scire, vera quidem esse illa, peccatorem, quò profundi